

新甯縣志卷二

山川志

西南山水惟蜀最奇劍門之壯瞿唐之險含通吐
靈甲天下久矣此外一郡一邑枝峰蔓壑莫非扶
輿清淑之所鍾揚子所謂北屬崑崙千浚萬谷者
良有以也新甯介在一隅無名山大川以自表異
而磅礴之氣積而爲岡陵之羅峙散而爲谿澗之
環流若拱而隨或蟠而遶爭爲奇狀者可指以名
則按區析載亦望秩之所不廢云志山川

新甯縣志

卷二

山川

山

八面山治東二十里府志稱其山形秀整望之八
面皆方通志作五十里誤

卧牛山一名何家梁治東二十里山體敦厚曲作
卧牛狀東有巨石對峙團團如月亦奇觀也山半
有古松一株龍鱗百尺葉亭亭如翠蓋翳蔽天日
往來者於此小憩得咸蒙其庇蔭云

獅子巖治東二十五里石壁百尺惟南有小徑可
通狀極嶮峻



雞足山治東三十里巉崖峻嶺上出重霄平視方正如屏側視秀削如筆其麓逶迤而下分爲五支形似雞距通志謂雞足東蹲指此上有古刹

鳳觜山治東三十里一名鷹觜岩山高而頂銳有大石聳出若鳥喙然倚石鐫觀音像祈禱多驗

龍神山治東三十里上有祠祀龍神

豆山治東六十里山產紅豆樹繁蔭翳日前縣令竇容邃詩云關塞橫雲斷嶽嶽石徑斜側身望北斗眼底落紅花

新甯縣志

卷二

山川

飛鳳山治東六十里與開縣接壤山峭拔高聳遠見百里外諸峰羅列如兒孫上有寺

鳳凰山治南二里山形似鳳故名

文山治南十里一峯挺秀山麓與超影毗連署縣李寶曾糾邑人建塔其上望之如筆插霄漢

超影山治南十二里層疊盤紆峯巒峻聳登其巔下瞰城邑歷歷在目斜行里許卽黃茅嶺

白岩山治南二十里山脈自長壽縣蜿蜒而來亘數百里至此巉崖如削高可二十餘丈復縈紆旋

遶直抵城南爲縣治入關來脈其山石多堅白有
道可通重慶前邑令鄭王臣詩云危崖複嶂鏗難
平出郭人從鳥道行蓋狀其崎嶇也

冠子山治南二十五里一峯特出衆山中遙望宛
如冠幘

五面山治南四十里山形五方中峯突起有歸極
之象

中山坪治南四十里山不甚高而聯絡殊遠數十
里皆其枝櫨

新甯縣志

卷二

山川

三

石蘭山治南四十五里相傳漢時石上產蘭香聞
十里居人因以爲瑞並以名鄉

五誥山治南五十里峯聯絡如誥軸狀

尖子山治南五十里奇峯瘦削高峭雲表相傳明
季流寇亂時有鄉民綽號李鷓子徐豹子者聚村
人據此恃其悍勇衆皆倚若長城山高數百仞能
飛騰上下賊不敢逼卒獲保全

鑄紅山治南六十里俗呼訛鑄爲刀

大本山治南六十里

寰宇記大奔山其山高可望
見開州新浦縣梁山軍

按此山邑舊志無今依通志增入據狀考之當卽與萬縣接界之大埡口俗有大本之呼寰宇記作大奔或轉音之誤耳

百節山治南七十里峯巒綿秀自天池至金家埧分爲百節竇容邃詩云嶙峋植百節節節聳巖岸誰是買山人脂韋無骨幹

灌木山治南七十里灌俗訛官

黃茅坪治南七十里狀類中山坪

轎頂山治南七十里

新甯縣志

卷二

山川

四

香爐山治南七十五里山巔一石如焚香之鼎故名

石月山治南八十里有巨石如月平視似上弦側視似下弦相傳石夜放光里餘皆望見之好事者鑿爲滿月狀其光遂晦竇容邃詩云天上月非石山間石是月月明石共照石隱月同沒

屏山治西三里屹立保障迤邐近城平頂方麓宛若屏風爲邑巨鎮俗呼卧牛山上有古寺多題咏墊江李楸有句云幾層畫閣都栽竹好座名山只

少河其論尚確明都督馬昊曾視師於此

得勝坡治西三里本屏山之支麓嘉慶初教匪之

變官軍屢營其地總督威勤公勒保督師至此得

前軍捷報因以得勝名

寶泉山治西十里下連五井泉極甘冽詳勝景

紅花山治西十里詳古蹟志

金山治西十五里形家以星體屬金故名山麓

有禪院詳寺觀志

石筍山治西二十里一峯突起狀如石筍

新甯縣志

卷二

山川

五

插旗山治西四十里名樂山漕下峩城山名中山

漕中觀音山名泥垣漕三山環拱抵達東界而一

甲諸水悉匯於嘶馬潭而出雖為三漕水口抑邑

中關鍵也

峩城山治西五十里峯高千仞甚嵬峩相傳漢舞

陽侯樊噲駐兵於上就險築城至今遺址存焉上

有梵宇噲亦肖像其中

觀音山治西六十里去梅子口十里餘達東新三

縣總隘險要無儔

天馬山治北二里

七峯山治北五里峯分七支秀列如戟一名七股山下有七井水甚甘

觀音山治北五里俗呼觀音寨峯巒律如虎距狀上有寺

觀榜山治北十里與展誥峯緊連俗名珠璫山詳見勝景

雙牛山治北十里與七峯山相連而崔嵬過之山半有兩石酷類牛眠稍事穿鑿雖失其真山之名

新甯縣志

卷二

山川

六

本此相去咫尺有紗帽石形亦宛肖鄭王臣詩命駕出郊坰飛步凌崖巖阿雙石牛巧匠何年斲長臥煙霞中不受縻索絡對此暫徘徊斷碣手捫摸稍前峯益高峭壁直如削丹梯數百尋欲上愁失脚循級躋其巔小憩坐佛閣歷歷見川原隱隱辨城郭遠近無匿覽襟懷頓開拓

太平山治北二十里

雙貴山治北二十五里兩峯並峙若比肩然誠為羣山之冠

金獅巖治北二十八里形若獅然四時凌晨恒多
烟霧日出石現金點見者咸稱異焉

筆架山治北五十里與佛耳圓峯相望以形似得
名

涼風埡治北五十五里亦東新分界處上有風洞
夏吹固涼隆冬亦不寒冽旁之楓樹甚高大百里
外望之森然按此為一甲若三甲之涼風埡則與
達縣接壤

杉木尖治北七十里東新分界處天師觀一方水
源出此亦流入七里峽

新甯縣志

卷二

山川

七

分水嶺治北七十里與開縣劃界下為龍王塘
五子嶺治北七十里橫亘西北為一邑保障五峯
並峙遥遥相對時有虎豹出没獵者莫敢攬焉
東白山治東南四十里詳見勝景

鼓嘯山治西南六十里其山多風林木動搖常如
吟嘯

三角山治東北八十里寰宇記三角山有南江水
出此見通志

按此即三角寨在治南六十里通志作東北八十
里誤

天池山治東南一百里與梁萬兩邑接壤層巒複嶂綿亘殊遠上有龍池禱雨輒應

按邑境叢山疊嶺包總聯絡不能悉載今僅書其
可名者

川

開江在治東南源出天池山北流六里至龍王坡折而東流十六里至石圭漕有母珠溝水南來注之又東北流五里過端公廟有橫冲溝水南來注之由是而前四里許過雙河口會琉璃溝水以下

新甯縣志

卷二

山川

八

江益廣約五里過彩石橋直東流二十里至八廟橋轉東南流三里至響水洞仍東北流五里至高洞復前六里至青煙洞出縣境交開縣界再二十里卽霧山坎自此經臨江市繞開縣城出小江口以達岷江故名開江

按此水發源天池山東北流入開縣境計在邑境者僅六七十里謂之開江特紀上流之源耳廣輿記所載開江發源天池山東北流至霧山坎交開縣界其說不謬若明統志謂其源出新甯縣霧山

坎則遺其濫觴也又水經注云出巴渠郡獠中東
南流至溪豐卽彭溪水溪豐本開之舊名彭溪在
雲萬之間俱屬下游滙開江水固正流也通志乃
謂澄清河爲開江上流卽常渠水第澄清河在縣
西源出近郭白岩山西流入於七里峽開江在縣
東南東流出境源殊而流異烏可牽合耶通志所
援引由未身經其地耳

南江源出治北屬開縣之土地坪西流至胡家嘴
入縣境與皂角坝水會南流八里至陳家漕又西

南流六里至雙河橋慈孝溝水北來注之又七里
至雙河口小溪溝水東北來注之前行十里過仁
和場至雙河溪磨子河水北來注之再二十五里
至蔡家坝三灣水北來注之此舊志所謂衆溪合
流也由是屈曲而西順流十二里至倒石橋則有
斑竹溪水自北東來入焉又西北流五里至乾坝
則有觀音橋水自東南來入焉又西南流十四里
過觀音寺則有漿池坝水自南來芋荷溝水自北
來入焉又西流二十五里至白岩河又西北流十

里至小石門南受燕子岩水又西南流二十五里過黃潛洞又西流十五里至雙河口與新橋高洞水會河流九里至墮子石入聯珠峽出縣境以達於通川江云

按邑舊志不載南江源流僅以聯珠峽概之蓋舊志多畧不獨一水然也今考自土地坪發源流至聯珠峽出境屈曲旋繞幾二百里其在南者十之七卽寰宇記所稱繞新甯三面西北流至通川縣是也惟源出三角山之說不無小異三角山在東

新甯縣志

卷二

山川

十

南有小溪溝水由東北來注於南江非正源也又通志據輿圖謂南江經縣南轉西北至縣西風洞舖東會瀘灘河及七里峽水其流固合第風洞舖屬達縣當云縣西路達縣屬之風洞舖則曉然矣至引九域志所謂新甯溪者卽以此水當之猶有未合附辨蕉溪後

聯珠峽治南五十里一山中斷渾如鑿成二三甲衆流所歸由此出峽西北流一百五十里至達縣東南入通川江

七里峽治西五十里爲一甲衆水之總滙皆西流
注此轉西南流六十里至達縣東境與聯珠峽水
合入通川江

蕉溪治西一里

元統志有芭蕉溪在縣西一里卽雙溪也

一統志雙溪在縣北源在縣西南北流會縣治之水轉西北又折西南經寶泉山流合於南江舊志謂七里峽水見通志按城西里許有兩水合流一自北來一由西注舊

志謂之雙溪與元統志縣西一里有芭蕉溪其說相符則雙溪卽蕉溪固名異而實同也若九域志稱新甯縣有新甯溪通志謂開江南江皆是者非

新甯縣志

卷二

山川

十一

確論也開江所滙諸水並無以溪名者祇南江有雙合斑竹二溪自北東來注然皆非正流亦未足以當之惟蕉溪附郭卽以縣名名溪義實相因較爲有徵耳

澄清河在治西源出白巖山龍神洞西北流經挹爽門至城西隅會雙河口水過長豐橋繞北流過和興橋復前二三里會蛟水溝河合而西流經寶泉山入七里峽

雙河口在治東二里許一發源干坵塆由五里橋

注此一發源雙牛山名鑽子河有螺螄洞水自後河來曾經先農橋注此合流至城西入澄清河蛟水溝治北二十里源出龍王塘過玉成橋至石埧與澄清河會過曹家高橋經寶泉山入七里峽五馬河治北三十里上湧清泉若鳴鉦農人所禱輒有應

大分水治北之要隘也對岸有天寶寨懸巖壁立倒流河治西北三十五里迴龍橋左小溪也逆流向東南里許屈曲成文折而西北順流入峽

新甯縣志

卷二

山川

十二

白岩河治南二十五里卽南江正流

高洞灘治西三十五里灘口石潭深丈餘左右巖有仙人掌

犀牛蕩治南五十里灘落則晴水潮則雨

洞

雲霧洞治東十里詳見勝景

蔡家洞治東三十五里教匪亂村人避於斯卒皆無恙

跳魚洞治東四十里兩山危峯森列躍入霄漢中

隔小溪有石埂隆起高數丈橫當溪口溪水飛湍
下瀉俗謂之洞其山則層疊而下左岸屈蟠而右
顧右岸拳曲而左迴水緣兩岸旋流宛如太極狀
亦造物之巧也

楊家洞治東七十里洞在山間門懸半壁其鄉人
云從來避難者俱能保全

老君洞治東八十里有老君像存焉故名

黑天池治西北八十里一名天池山山似中空步
履所及宛若拊鼓聲至山腰有水溢出爲池甚清

澈祈雨者折樹枝二橫架池之兩岸若津之有梁
然卽各以瓶覆架上虔誠祝畢靜俟之忽有聲發
於山中如疾風怒濤之狀則濁泉一線自池湧出
激瓶自翻卽捧之歸霖雨隨至已屢驗亦神矣哉
相望有二郎池楊柳池與之鼎峙爲三焉
古龍洞東新大梁鷺公包之下滇匪亂居民多避
於此

響水洞治東南六十里爲開江水所經洞在河中
石坎下狀與高洞同天久晴其響益盛則雨久雨

亦然村人每以此占之

洗心洞治南十里山腰積水流入洞中半里餘溢
出爲潭時有巨鼈出没居民以此驗風雨

白巖洞治南二十五里石壁如削與靈岩對峙洞
口寬丈餘熱火持入中多怪石森列垂乳纓絡倒
懸空際頓足則鏗然有聲似其下皆空前行度可
十餘里勢漸窄須側身行不數十步一水橫阻不
可復前矣僉曰水通聯珠峽蓋伏流也

黃潛洞治南五十里在清泉寺側爲南江下流洞

新甯縣志

卷二

山川

十四

高數十丈瀑布飛空如怒濤濺雪洞中水復湧出
澎湃奔騰萬壑響應百里猶聞其聲

魚泉治南五十五里兩面石巖壁立中阻河右
有洞高出河岸以炬入行數十里不知所止俗呼
乾龍洞

高洞治南六十里石壁橫阻河中高可數丈洞
在石壁下南江水至此自上傾注若簾垂洞口喧
逐如雷聲聞十數里彷彿禹門

按高洞有二此爲南江水道所經舊志謂河出萬

山中指此但措詞不無蒙翳耳若開江亦由高洞
出境則治東之高洞其勢稍殺不另列

龍王洞治南八十里山半有巨穴寬數十丈教匪
之亂居民避難者羣竄伏其中洞口廠因斃石墮
之計容數百人迤邐而前則重門複洞可偃僕入
歷十數層莫窮其境亦奇景也其山麓有小洞泉
流潺潺溢於洞外一溝之田可資灌溉故又名龍
王堰

鄭家洞治南八十五里

新甯縣志

卷二

山川

十五

龍泉治北二十里

龍洞治北三十里水從石出飛瀑如練灌溉千頃
民賴之通志作龍門又云有龍清洞與舊志異按
卽一洞而二名也

白巖洞治北五十里在鷺公嶺之左石露一穴有
土人執燈入欲窮其源行十餘里水聲潺潺視之
乃陰河也雞鳴隔岸迥異塵寰懼而返

觀音洞治北六十里中甚濶可避兵燹其岩半石
壁生成佛像禮拜者絡繹而至亦村俗之常情不
足異惟洞底有水分爲七派溢出附近農田多利

賴焉

鯉魚塘長半里許面寬三四丈深七八尺有湖景

之勝塘有六景 鐘聲環繞 魚歌遍起 樓臺

倒影 曲如太極 平浪無聲 旱乾水溢

井

芙蓉井

舊志在文廟後水現花兆發科甲今在文昌宮大門內偏右蓋文廟移建舊址併於文昌宮亦經改向另修也

芹香井

舊志在學署後今在文昌宮照牆東以學署亦移建也

天香井

在文廟宮牆內

流澤井

在縣署照牆東砌石堅密旁有柳樹大可徑尺

新甯縣志

卷二

山川

十六

潛龍井

在縣署照牆西與流澤井對列如人之有兩目曉風鑑者謂其形類火字以石覆之

與地平

蘭露井

在縣署內知縣賓容遂浚今廢

中橋井

在城內正街上覆石板建土地祠

晚霞井

在捕署儀門西

八角井

在龍池書院左側

流芳井

王家井

神惠井

雙槐井

俱無考

仰泉井

在治南十里舊志云山巔有泉上湧冬溫夏涼不涸不溢邑人建亭於側以仰泉名

老鴉井

在治西四里水

杉木井

在治北四里井有杉樹斷椿僅存

龍王井

在治北圓峯山下遇旱井水變色即雨屢試皆驗相傳井有龍神里人立廟祀之

烏鴉井

在治東三十里甃石堅密水清冽而甘大旱不涸舊有烏鴉樹一株在井旁故名

温凉井

在高塘堤

八方井

治南七十里

水利

附

老河堰在治北三十里水出山麓傾瀉有聲可溉

田數百頃

黃河堰在治南五十里水勢浩瀚滿流不息十餘

里皆資灌溉

鄧家堰在治西五里普安場東成於人力潴水足

溉田里許

新甯縣志

卷二

山川

七

石圭堰在治東南八十五里源出黑龍洞流水潺

潺灌溉三十餘里

龍王堰源出龍王洞

詳在前

底塘堰在治西南八十五里源出涼風堰半山中

潴泊不竭十餘里農田咸賴之

按邑皆平疇西成卽蓄水俗謂關冬冬水足則春

耕早田不種冬糧故無需築堰卽偶值夏旱近河

農民相與囊沙負土雜以稻草截河流築之狀類

隄並日而成名曰紫河堰水滿足資灌溉此爲一

二甲所同三甲河濶水深可汲以筒車用力較易也

新甯縣志

卷二

山川

六

城池志

附

關隘

場鎮

寨

坊表

古人思患豫防必資金湯之固捍外侮而衛黎元
悉於是乎利賴焉易有云重門擊柝以待暴客義
取諸豫備不虞也故雖成城因乎衆志干城寄以
腹心有不恃跨水聯堞極樓櫓之高危者而城郭
修於掌固職早重夫夏官莒恃其陋而不完左氏
譏之思有備而無患亦聊以固吾圉則完繕之功
正未可沒也志城池

新甯舊土城明成化中知縣茹玉甃以石宏治八

新甯縣志

卷二

城池

年知縣張宗環構敵樓正德初知縣王良增堞浚
濠歷三令而規模始備量高一丈三尺週圍二里
一分計三百八十四丈三尺爲門四東龍勝西清
河南珠明北寶潤城倚白巖之麓形勢甚險要白
甲申兵燹後居民播棄寥落城社亦盡成邱墟

國初以其事簡併入梁山雍正八年復設縣治而舊
城之規制愈不可復問矣雖壘經知縣沈繩祖談
繼文先後捐資鳩工壘石架木爲門以資啟閉然
事屬草創難期久遠時際

承平後來者亦因循置之洎嘉慶元年教匪起自東達
邑境俱被蹂躪知縣趙華白諸監司領帑金三千
兩增版築設重兵嬰城固守卒獲安全此雖捍衛
之功實有天幸賊終未至城下也至六年匪黨漸
平邑士民議修石城請於縣願照糧樂輸轉詳大
府報可工方作趙華以陞任叙永同知去饒覲光
權邑篆九閱月便屆瓜期時劉李天培接署縣事
李性剛直治尚嚴明人憚之故事易舉未及一年
工未竣者僅十之二三焉八年秋仲于苕蒞任勘

新甯縣志

卷二

城池

二

工估費計尚不敷謀於邑人士復勸捐並自捐廉
銀五百兩零函致陞任趙華亦捐廉銀九百二十
兩越明年工程告竣共實費公料銀一萬八百九
兩有奇彙詳報部訖卽以督工之始終其事者捐
職都司孫世陶監生陶芝蘭上其績於大府總督
勒保給匾旌勞先是李天培已易四門名曰朝陽
曰挹爽曰延薰曰拱極皆鑄之石于苕又於敵樓
各懸匾額益壯厥觀百餘年來因陋就簡至此屹立
保障燦然名區矣其功在一邑豈淺鮮哉故備書之

城垣高一丈六尺週四里有奇計六百九十五丈
內有水田數十畝

濠深八九尺不等東北環小溪水四時不竭西阻
澄清河其延薰門側有水門通南濠水穿城內
溝渠過市中橋從西北隅水門出入於河

道光八年城垣東南北三面皆有傾圮南北尤甚
經知縣吳協捐廉修補計三十八丈九尺共費
工料制錢二百四十千零四百文經通報

十二年西南北三面坍塌城垣十四丈五尺經署

新甯縣志

卷三

城池

三

任候補知州徐鳳翔挪項補修經通報

同治元年滇匪擾境縣城失守四門垣堞均有毀
壞經前署縣范象乾稟報勸捐興修完竣計城
垣週圍六百七十四丈堞口九百六十四個東
西南北炮台各二座

三年城垣東西南三面暨西門礮臺均有坍塌經
前縣陸爲棻稟府籌捐培補並添修西南角耳
城一座上建哨樓一週圍計七十七丈九尺堞
口一百二十四個

關隘附

豆山關治東六十里山綿亘若長蛇頂上分界下
郎開縣地

大埡口治東北一百里山極高數十里外皆入
望中埡在山巔據險可守下爲萬縣地

涼風埡治南八十里形勢與大埡口同上有廟祀
漢壽亭侯下爲達縣地

石關門爲治南一帶關鍵

玉皇關治西十五里山嶺起狀如旋螺山凹郎李

新甯縣志

卷二

城池

四

靖埡出城西去一路平坦至此始層折而下有高
屋建瓴之勢亦要隘也敘匪亂團集民兵據山守
險以衆寡不敵爲賊所乘捐職州同孫玉章武舉
張廷勳死之道光二年知縣謝玉珩建樓閣爲門
戶雄關阨塞足控一隅側有廟祀玉皇故又名玉
皇觀

梅子口治西北二十五里敘匪變設團於此守隘
龍洞峽治西北四十五里郎七里峽中道左倚山
右臨河壘石爲門有一人荷戈萬夫趨趨之勢洞

在對岸其中水通瀘灘河

場鎮

普安場治西五里五方襍處商賈輻湊為邑巨鎮

馬家橋治西三十里

天師觀治北四十里

人和場治北五十里

石土地治北五十里

永興場治東北二十里

廻龍場治西北三十五里道通東鄉

新甯縣志

卷二

城池

五

以上屬一甲

漿池埧治東三十里道通開縣

場後有漿池濶十畝市人皆取汲焉

巖家場治東南四十里

甘棠舖治南四十里舊名漆子店總制勒保督師

過此易今名地當孔道為邑四達通衢

長嶺崗治南六十里道通萬縣

永安寨治南六十里向因避難居民築室毗連平

定後遂為場市

八廟場治南七十里

以上屬二甲

任市舖治南七十里爲梁山綏定往來通衢有行臺備學使駐宿夔綏兩協鎮歲再會哨於此場之右爲石塔七層高三丈餘貯字灰亦培風水也徐聲聞等募修

廣福場治東南八十里舊名鏵頭場

雙龍場治南一百里場外數武郎普安橋與梁山交界處

以上屬三甲

城池

新甯縣志

卷二

寨

羨家寨治東三十里寨寬廣全活甚衆

佛城砦治東四十里形勢最險寬六里周圍約二十里中有田百餘畝池數十口東接天成寨南隣張家砦西據鳳儀砦北控豆山關山勢連絡首尾相應可耕可守非第雄甲新甯當亦冠冕諸邑

天成寨治東四十五里三面臨岩極險峻上有田約五十畝東岩半際有硝洞咸豐年間新修與大小方城相望

蝦蟆寨治東五十里三面壁立禦賊以一面當之
方城寨治東六十里危巖確礧高可千尋狀如獅
踞四圍石壁削成土平行甘泉出焉生植皆暢茂
明正德中避寇得免者數千人教匪騷動頻經往
來終不敢犯又有小方城寨形勝略同其寨前一
石孤聳高十餘丈形似瞿曇村人以和尚呼之
小方城砦治東六十里與大方城中華砦相鼎峙
小方城寨下白沙舟在大河中流形如上水舟河
水泛漲終不淹沒一方之風水人物悉出其間形
家之言信未可泥矣

新城寨與大方城小方城鼎峙惟鬼峩稍遜亦險
阨也

保全寨治東北六十里本監生劉代文之宗祠有
閣可憑眺遠矚高瞻狀同哨樓嘉慶初里人藉地
避賊遂相率砌石爲寨保全百餘家

西鬪牛砦與東鬪牛砦峰勢相關卽新開交界處
廣福寨治西三里卽屏山教匪亂邑設四十八團
此爲領袖

果老寨治西八里詳見古蹟

石筍寨治西十五里一石矗立小而固宛若初篁
獅子寨治西寨下約半里許一大石現觀音像土
民祈禱輒應

犀牛寨治西北十里一名犀牛背

大方寨治西北四十里山高頂濶可容數千人教
匪亂遠近多依之

左家寨治北二十里半係生成甃石增堞不過十
之二三焉嘉慶初年一重修今猶完整

羅城寨治北三十二里方圓平正四面明岩東西
兩路僅容一騎藍逆犯寨拒以礮賊即潰自相踐
踏獲保全者數百家

天師寨治北四十里即天師觀前知縣于茫爲邑
典史時率團勇勦賊總糧儲駐此下有場仍觀名
龍形寨治北四十里羅家坪居民特爲保障

佛神寨治北五里即佛耳山盤曲如耳層陵三
疊故俗有上中下之分寨前爲劉氏四友祠監生
劉文蔚築小寨若郛率衆捍衛教匪屢經其地卒

能保全岩高數十丈藍逆犯境莫知入路

汪家寨卽圓峯山與佛神寨相犄角

三星砦治北六十里中有三峯圓若佛頭秀凝仙掌藍逆犯境見其形巍峩如有神護不攻而退

天保寨治北六十里勢極險峻上有田百畝並數井皆古浚汲飲可供故歷保無虞

太和寨與天保寨相爲犄角

自生寨治北七十里山形高聳壁立如城亦天險也俗名亮堽子

生成寨治北八十里去龍王塘里餘舊名人首寨以寨頂一石形似人首故云嘉慶初居民避難更今名

自生砦孤峯獨立四面岩形如削

天和寨與萬全寨互相聯絡

以上屬一甲

青雲寨治東三十里

大雄寨治東三十五里山勢突起左巔厓右折阪望之如天半赤城嘉慶四年貢生楊鵬與鄉人避

賊紮此皆免於難

李家寨治東四十里

萬福寨治東六十里寨東岩首橫生石眼如鑿穿者望之若斜月初昇實奇跡也

保全寨治東七十里庠生鄭文軒之父祖望倡修也其寨惟一面可通上下餘皆危巖峭壁寨後巖半生成一洞可容千人由寨至洞口鳥道羊腸險峻絕倫

太平寨治東七十里咸豐十年邑人彭昌後等捐

新甯縣志

卷二

城池

十

資劄修

天保寨治東七十五里

真武寨治東七十五里有真武宮古跡西有烏龜石形象宛肖

活龍寨治東八十里邑人周應忠劄修

福合寨治南四十里

黃龍寨治南四十里

順山寨治南四十里

三合寨治南四十里

雙桂寨治南四十里咸豐八年邑民唐光烈等建
修

太平寨治南四十里舊名冠子山三面皆峻絕
金城寨治南四十五里一名郭家寨形勢峻絕上
有平田及泉水可供千人汲

大羅寨治南四十五里

三角寨治南六十里

連城寨治南六十里

天星寨治南六十五里

新甯縣志

卷二

城池

十一

太平寨治南七十里邑民劉用之等捐修

筆峯寨治南八十里

新太平寨治南八十里

老太平寨治南八十五里

泰山寨治東南六十里舊名楊馬寨嘉慶三年劉
文誠曾承忠等重修更今名村人云明時楊馬二
將軍駐兵於此其斷碣誌姓氏故老猶及見之惟
名不可考

石和寨治東南六十里險峻絕倫側有巨石挺立

高四丈餘宛肖人形其狀類頭陀俗呼石和尚
高頂寨治西七十里

以上屬二甲

尖山寨治南六十里

鼓樓寨治南六十五里

太和寨治南七十里

百節寨治南七十里詳見山川

新安寨治南七十里

五保寨治南七十五里

新甯縣志

卷二

城池

十三

萬安寨治南七十五里俗名鵝公寨

五舉寨治南七十五里

天成砦治南七十五里道光二十六年建修

太平砦治南八十里咸豐十一年建修

五福砦治南八十里

高福砦治南八十里

團寶砦治南八十里

三元寨治南八十里寨在山巔巖崖如削嘉慶五
年監生李開來文生李長青捐修

禮都寨治南八十五里

清甯砦治南八十五里

騎龍砦治南八十五里

天佑砦治南八十五里

白果砦治南八十五里

人和砦治南一百里

興隆砦治南一百里

天生寨治東南七十里緣崖礮石山高尋雲甚歧峻教匪亂里人任廷璐等環石爲門卽資保障避

新甯縣志

卷二

城池

十三

難俱得安全

萬福寨治東南七十五里

永甯寨治東南八十里其左有紗帽石右名獅子

巖巖畔螽斯衍慶四字係泥漿書成歷久如故亦

不知作於何時也

廣福寨治東南八十里巖險周固勢極峭危有石穴在巖下中豎一碑鐫石室二字用筆頗高古側有小蘭若石刻甯宮碑記載前明萬歷年歲半模

糊不可卒讀

雲臺寨治東南八十五里

上埧寨治東南八十五里

崇正砦治東南九十里

鳳凰砦治東南九十里

鼎興砦治東南九十里

金城砦治西南八十里

以上屬三甲

坊表

明德世家坊在治北三十里前明進士傅德堅建

新甯縣志

卷二

城池

十四

今名其地曰傅家灣

科甲開先坊在治南七十里明崇禎初年南京戶

部郎中汪政建按舊志萬歷二十八年庚子舉鄉

科者名王政亦未詳其官階蓋汪與王轉音易混

舊志固草創忽略往往如此今更正作汪其云科

甲開先指伊族發軔而言非闔邑之謂也

以上屬明朝

坤維正氣坊在治西較場埧節婦張冉氏奉

旨旌表建

堅同金石坊在治西蒲家堰節婦孫向氏奉
旨旌表建

竹節冰心坊在治西茶亭子節婦曹張氏奉
旨旌表建

恩華雨露坊在治西羅家堰節婦姜吳氏奉
旨旌表建

五世同堂坊在治南甘棠舖節壽婦徐彭氏奉
旨旌表建

閩中儀型坊在治南伍家坡節婦伍陳氏奉

新甯縣志

卷二

城池

十五

旨旌表建

朱林氏節孝坊在治南隍城廟道左奉

旨旌表建

淑媛奇節坊在治南百節山下貞女王氏奉

旨旌表建

以上屬

國朝其建坊年歲俱詳列女志

寰宇熙春坊在治南廣福場耆民任成桂暨配劉
氏齊眉上壽五代同堂詳請咨部奉

旨給寰宇熙春匾額故建坊

盛世壺型坊在治南廣福場節婦曾馬氏奉
旨旌表建

新甯縣志

卷二

城池

六

公署志

昔孟文子對使之辭曰署者位之表朝夕虔命於是乎在此署之所由名而蘭署粉署玉堂署皆因之以肇稱者也我

國家官盛任使上下相維設一官必建一署故雖藐茲下邑統之以縣尹佐之以縣尉以及明禮義詰姦宄儒學泆防各有署焉其堂構之巍峩非僅以肅觀瞻俾入此室處者職思其居則長吏之公庭卽萬姓之廣廈也志公署

新甯縣志

卷二

公署

新甯自康熙七年歸併梁山舊時公署原屬草創一切俱廢至雍正八年復設縣治奉文建修各公廨知縣沈繩祖承建

縣署於城內正街坐北向南至乾隆五十年屋宇半就傾頽知縣趙華詳請補修批准借支庫項作三年扣廉歸欸計補修大堂五間前爲廳事三楹東西書科房共十間二堂五間左右廂房共六間過廳一間三堂三間左右耳房各一間坐宅五間兩廂各三間後堂圍房五間偏院三

間廚房偏厦二間庫房一間又大堂外

聖諭牌坊一座並書戒石銘儀門三間大門三間照牆一壁道光十三年知縣黃位斗捐修圍房三間於庖湏之側船房一間於客廳右改建同治元年正月張逆攻陷縣城衙署悉被焚燬經署邑令范象乾設局辦理善後勸捐重修規模仍如其舊惟三堂三間改建院墻一道內修坐宅五間即今之三堂東西廂房各二間後置圍房五間即舊時之五堂署後倚城添修省耕亭可以

新甯縣志

卷二

公署

二

眺遠

學署舊在城東學宮之西偏其創修補葺改遷俱詳學校志今署在城北

文廟左坐西北向東南計大門一間儀門三間明倫堂三間東西書科房各三間內坐宅三間左右耳房各三間外照牆一壁署縣謝玉珩訓導陳鳳廷同建同治八年訓導劉耀南添修正宅後房三間

廳署在縣署右坐向同雍正十年典史王永榮承

建計大門一間儀門一間大堂三間東西書班
房二間二堂三間左右廂房各一間過廳一間
座宅三間兩廂各二間厨房偏厦一間照牆一
壁道光十三年典史季以晉捐廉添修書班房
各一間 衙神祠一間餘仍舊制 監獄卽在
照牆後雍正九年知縣沈繩祖承建計監獄三
間女監一間繚以周墉後三載知縣竇容遂增
築圍牆加高四尺又建外監二間俱係捐廉墉
垣堅固同治元年正月張逆攻陷縣城廳署均
被焚燬署邑令范象乾勸捐與署典史方性淦
同建規模仍如其舊

新甯縣志

卷二

公署

三

泚署在城西挹爽門內坐向與縣署同雍正十二
年知縣竇容遂承建計弁署共房十三間周圍
兵房四十八間四城門內堆卡四間同治元年
正月張逆攻陷縣城泚署亦被焚燬經署邑令
范象乾勸捐同署把總張文卿重修規模仍如
其舊

行臺在治南任市舖 文昌宮後計官房五間東

西廂房二間道光五年知縣吳協建修年久傾圮十五年知縣黃位斗捐廉首倡閣邑紳民欣然樂從鳩工庇材繚牆甃石添置基地建修官房五間兩廊廂房各二間過廳一間官房後亭閣一座前廳外照牆一壁東西轅門鼓樓俱齊計費一千餘貫規模宏敞恢廓一臻美備煥然改觀餘仍舊制

陰陽學

僧會司

道紀司

醫學俱無署

較場在西門外每考試武童閱騎射於此無演

新甯縣志

卷二

公署

四

武廳臨時以蓬簾布幔爲之

養濟院在城內新街共房三間嘉慶十年知縣于茗建

津梁志

當兩山之錯峙必有支川值一水之濼洄常虞濡軌萍氏川游之禁所以詳於周禮也考之說文津曰水渡梁曰水橋思因地以制宜惟各求其當可則深須造舟淺卽爲梁胥此道也邑無長江大河利用舟楫而絕潢斷港尋丈之谿悉跨彩虹隆嘉號於澄清寄深情於節愛永慶天生之巧長豐世顯之雄類皆聚石成梁人無病涉其他略約橫斜凡一木能支者又在所不齒矣志津梁

新甯縣志

卷二

津梁

市中橋在城內正街

三里橋在城東附郭

澄清橋在城西挹爽門外明教諭廖訓建

先農橋在治東二里乾隆八年建嘉慶初年重修

節愛橋在治東五里明知縣李孜建

永慶橋在治東十里流星舖乾隆十五年建

利濟橋在治東十五里道光二年建

永安橋在治東二十里道光七年建

三灣橋在治東三十里乾隆年間修

天生橋在治西十里超影山上兩山聯絡處中道斷絕一石自生橫亘數丈直跨兩山間天造地設視同鬼斧神工寶容邃詩云溪惡龍蛇踞山叢虎豹藏天公垂愛惜造就一慈航

長壽橋在治西南五里乾隆十四年建

長豐橋在治西四里嘉慶十七年建俗名新橋一名太平橋因有同名故易之

普安橋在治西五里普安場外

寶泉橋在治西十里乾隆十三年募修

新甯縣志

卷二

津梁

平政橋在治西十里乾隆間知縣趙寶德建

高橋在治西十二里架木爲之覆以石板上有一亭約長二十餘丈俗名曹家高橋

高石橋在治西二十五里原名高板橋析木成杠道光十三年漲水冲塌復募修易以石

劉氏橋在治西三十五里廻龍場之東

廻龍橋在場西嘉慶二十一年新建岸旁有石塔名亦同詳見梁山進士刁思卓碑記入藝文

和興橋在治西北八里澄清河之下游舊亦架木

爲橋年久將圯道光十四年改修規模與玉成橋等
玉成橋在治西北十里紅巖山麓下河身濶十數
丈向卽架木爲橋高可丈餘其上建亭道光九年
水大至橋折捐職州同張國平等次年募資復建
增高恢廓壯麗較勝於前緣兩岸流沙故仍以木
爲之

世顯橋在治北以前明周氏世科得名

接龍橋在治北二里乾隆十一年重修

永和橋在治北十里胡家溝道光七年監生張正

新甯縣志

卷二

津梁

三

賢獨力捐修

太平橋在治北二十里

龍頭橋在治北二十里中灘出魚名桃花班味鮮
如丙穴

雙河橋在治北四十里天師觀側兩水會流各跨
一橋眞雙橋彩虹也俱長十餘丈高二丈餘上有
亭

萬里橋在治北四十里道光七年建卽磨子河

廣濟渡在治東三十里飛雲鋪乾隆十二年邑民

江伯能捐施渡船一隻田十五畝

以上一甲津梁

樂善橋在治東三十里乾隆中貢生楊鵬募建

吳家河橋在治東三十里

觀音橋在治東三十五里明萬歷中建橋側有古柏一株大逾合抱黛色參天蓋數百年物也

倒石橋在治東四十里

天生橋在治東七十里

甌子橋在治東七十里

新甯縣志

卷二

津梁

四

三元橋在治東七十五里

映峯橋在治南二十五里卽白岩河舊係木橋因

山溪水陡每暴漲則梁盡沒乾隆八年江伯能捐設渡般並田十五畝作渡夫經費嘉慶十三年士

民募衆改修石橋自是夏月用渡歲不過數次

義和橋在治南三十里

石燕橋在治南四十里燕子巖乾隆十一年修

彩石橋在治南五十里

捲洞橋在治南五十里

八廟橋在治南七十里本開江正流乾隆初補修高三丈長十丈餘四十三年己亥夏天大雷電以風驟雨如注有水自琉璃溝出南入於江江水沸騰居民廬舍漂流相率避於橋上見波濤洶湧中有物如巨木鼓浪而前橋震撼不沒者三尺因同聲呼天祈命水乃北旋穿墳衍而出卽今之開江也自是江水不復故道而故橋遂在陸地市人築室以居焉

太平橋在治南七十里

新甯縣志

卷二

津梁

五

青龍橋在治南八十里

跳磴河橋在西南六十里

大興橋在治南七十里

觀音義渡在治東三十里觀音寺側爲往來城市要津

永興義渡在治東三十里

善濟義渡在治東三十里

孫家埧義渡在治東三五十里

以上二甲津梁

高灘橋在治南六十五里

新橋在治南七十里明知縣梁鑾建

高橋在治南七十里道光十二年重修

金剛橋在治南七十里

文家橋在治南七十里

福壽橋在治南七十里

石佛橋在治南七十五里

化龍橋在治南八十里

轉東橋在治南八十里

新甯縣志

卷二

津梁

六

普安橋在治南一百里即新梁交界處

長生橋在治東南七十五里嘉慶十六年尹春芳

昆季捐修上覆亭左爲臨路店俱整潔

廣福橋在治東南廣福場右乾隆年間馬姓募修

通綏定

桂子橋在廣福場前乾隆二十八年郭姓建嘉慶

二十五年曾承貫補修

仙鶴橋在廣福場左乾隆年間募修通萬縣

光明橋在治東南七十五里嘉慶年間募修

自生橋在治西南六十五里河濶二十餘丈有兩
石橫臥河中相距咫尺架石約三尺餘往來稱便
天星橋在自生橋下流遇水漲則往來過此
以上三甲津梁

祠廟志

在昔聖人以神道設教郊焉而天神格廟焉而人鬼饗匪惟備物致敬也爲壇壝建祠宇妥侑神靈得所憑依而所以仰廟貌之莊嚴徵精神之萃聚者胥于是乎在第三代廟制詳於祭法者惟宗廟最著餘不聞以廟稱後世封禪書載淫祠至百數十至唐垂拱四年淫祠盡燬僅存大禹泰伯季札伍員四祠而已我

聖朝崇德報功享於克誠祭有令典神有專祠自日月

新甯縣志

卷二

祠廟

星辰風雲雷雨社稷神祇而外凡前哲之有功德於民者俱廟祀之非此不與焉志祠廟

文廟在縣城北

詳見學校

崇聖祠在文廟正殿後

名宦祠在文廟戟門外左偏祀明知縣

蕭鵬

王良

成敏貫三人其鄉貫科目事實詳職官暨政績志

國朝增祀

董教增江南江甯人由翰林官四川布政司終閩浙總督

又前任知縣

竇容遂

周金紳二人其鄉貫科目事實詳職官暨政績志鄉賢祠在文廟戟門外右偏祀明鄉先輩

雷正

周泰

雷震

新甯縣志 卷二

祠廟

熊希古

趙鏊

熊進六人其科第官階詳選舉暨人物志

忠孝義祠在文廟賢關門外道光二年與文廟同建祀明忠孝義七人

朱鵬

雷禎

朱伯通

朱伯珍

張芳

雷正

熊進 事實俱詳人物志又增祀

國朝嘉慶初年教匪倡亂陣亡忠義士民十九人

孫玉章

柏太震

羅汝忠

熊澤鴻

吳震

林忠彪

林盛誥

周子泰

孫作海

劉文玠

王佐

孫元岱

以上十二人先入祀府城昭忠祠復奉文泐碑
通衢入祀本邑忠孝義祠

張廷襄

孫世河

楊正紀

曾超羣

李洪朝

曹明禮

張啓賢 以上七人原奉文入本邑祠祀其諸人

新甯縣志 卷二

祠廟

三

出身及事實俱詳人物志外通報陣亡鄉勇四
百一十三人俱入祀府城昭忠祠定為每牌五
十人嗣奉文並入本邑祠祀今製牌補入其姓
名俱列人物志

同治元年滇匪擾亂陣亡鄉勇練丁

孫八榮等四十九名均經通報奉文入祀本邑忠
孝義祠其姓名事實俱詳人物志又出師外省
勦賊陣亡員弁

陳聯陞

陳聯福

陳克選

以上三

人均附祀本邑忠孝義祠事實俱詳武秩志又採補嘉慶年間殉難義民

監生薛訓語

劉祖艷

劉世位

同治元年殉難紳民

孫縉榮等三百九十四名均經造報奉文入祀本

邑忠孝義祠其姓名事實俱詳人物志

節孝祠在忠孝義祠側同時建祀明節孝婦五人

李屈氏

袁熊氏

楊胡氏

熊胡氏

熊唐氏

新甯縣志

卷二

祠廟

四

國朝節孝婦十人

鄭王氏

朱林氏

胡李氏

蔣樂氏

楊陶氏

徐彭氏

張冉氏

孫向氏

曹張氏

伍陳氏

以上節孝供十五人事實俱詳列女志

增祀嘉慶年間教匪倡亂殉難烈婦

柏唐氏

盧康氏

黃廖氏

崔曾氏

孫戴氏

孫胡氏

以上六人事實俱詳舊志

增祀嘉慶年間教匪倡亂殉難烈婦本年採入

劉戴氏 劉何氏 以上二人事實未詳

增祀同治元年滇匪擾亂殉難烈婦

梁顏氏 沈袁氏 孫羅氏

孫張氏 孫陳氏 曠唐氏

曠張氏 羅曠氏 金高氏

張廖氏 劉魏氏 唐陳氏

陳梅氏 顏張氏 曾張氏

曾梅氏 鄧龔氏 鄧熊氏

新甯縣志 卷二

祠廟

五

楊裴氏 王何氏 周張氏

吳張氏 梅鄧氏 熊姜氏

張衛氏 孫袁氏 蕭聶氏

余李氏 李胡氏 賀張氏

賀唐氏 金沈氏 孫顏氏

曾熊氏 曾梅氏 曾吳氏

曾潘氏 鄧江氏 顏李氏

楊蔣氏 劉廖氏 鄧唐氏

王陶氏 潘李氏 孫吳氏

孫楊氏

孫李氏

張孫氏

劉張氏

孫張氏

袁廖氏

張胡氏

龍張氏

孫熊氏

王易氏

陳鍾氏

王張氏

吳王氏

張曾氏

徐王氏

朱胡氏

張余氏

劉胡氏

吳陳氏

李胡氏

熊李氏

周王氏

曾王氏

唐朱氏

江嚴氏

李潘氏

馮向氏

新甯縣志

卷二

祠廟

六

鍾萬氏

張李氏

吳易氏

譚熊氏

王唐氏

曾何氏

顧吳氏

魯顧氏

張趙氏

吳陳氏

歐陽余氏

鄧唐氏

丁王氏

張潘氏

崔曾氏

朱屈氏

朱吳氏

朱呂氏

蕭李氏

朱李氏

楊蔣氏

曾周氏

梁周氏

朱陳氏

江杜氏

朱唐氏

張趙氏

張粟氏

張吳氏

蕭陳氏

劉顏氏

陳顏氏

王陳氏

周楊氏

張余氏

張李氏

蕭何氏

周蕭氏

周三秀

于聶氏

劉唐氏

黃李氏

黃明氏

李願氏

李蕭氏

吳李氏

蔡吳氏

顧蔡氏

孫向氏

孫盛氏

孫張氏

譚李氏

唐熊氏

許謝氏
張孫氏

新甯縣志 卷二

祠廟

七

以上烈婦一百二十七人事實俱詳列女志

增祀節孝婦

張熊氏

姜吳氏

薛張氏

曾馬氏

張劉氏

孫劉氏

雷石氏

閻王氏

萬盧氏

袁劉氏

王胡氏

吳符氏

吳張氏

鄧李氏

冉趙氏

于袁氏

曾蔣氏

屈林氏

杜黃氏

聶楊氏

郝黃氏

鄧袁氏

郝宋氏

張楊氏

張孫氏

張廖氏

朱唐氏

袁陳氏

曾陳氏

朱帥氏

文韓氏

徐曹氏

蔣陳氏

李唐氏

彭唐氏

譚唐氏

王鄧氏

張徐氏

姜高氏

余楊氏

伍李氏

張譚氏

逯劉氏

易曾氏

劉譚氏

唐黃氏

劉譚氏

劉朱氏

新甯縣志卷二

祠廟

八

孫石氏

張孫氏

饒喬氏

劉王氏

王林氏

鄧趙氏

吳朱氏

雷葉氏

王李氏

劉袁氏

程楊氏

盧張氏

秦胡氏

許秦氏

盧張氏

張魏氏

曾顧氏

汪劉氏

張楊氏

熊陳氏

羅王氏

張蒲氏

張盧氏

劉陳氏

余賀氏

栗張氏

龍張氏

黃熊氏

戢楊氏

雷石氏

顏夏氏

傅周氏

張劉氏

梅潘氏

雷胡氏

易曾氏

屈劉氏

蔣曾氏

劉朱氏

李高氏

劉盧氏

楊馬氏

唐黃氏

鍾張氏

魏張氏

蔡俞氏

潘謝氏

張陳氏

胡楊氏

潘顏氏

郝曹氏

劉潘氏

楊石氏

唐鄧氏

新甯縣志

卷二

祠廟

九

袁李氏

鄭羅氏

樊蔣氏

劉黃氏

張鄧氏

杜羅氏

胡楊氏

李曹氏

劉胡氏
陳楊氏

以上節孝婦一百一十二人事實俱詳列女志

增祀同治元年滇匪擾亂殉難烈女

劉丙秀

張招弟

徐嵩雪

徐碧紋

徐碧瓊

羅伏蓮

羅五妹

劉招兒

劉月兒

曾招兒

曾引兒

金茂月

金乙秀

鄧乙秀

彭紫桂

黃辛蓮

孫二妹

高成璧

曾菊英

曾月英

顏蒲蓮

顏辛蓮

顏冬蓮

顏玉兒

劉清貞

孫集林

孫芝林

劉癸秀

劉時秀

黃冬秀

黃代兒

黃引兒

盧乙秀

盛翠英

陳么妹

陶長兒

耿小姐

謝元兒

王癸英

新甯縣志

卷二

祠廟

十

魏昭兒

張貴兒

盛秀英

以上烈女四十三人事實俱詳列女志

增祀已故貞女

王貞女

趙貞女

姜貞女

陳貞女

粟貞女

王貞女

張貞女

以上貞女七人事實俱詳列女志

關帝廟舊在西關外雍正十二年募修今火神廟其

故址也乾隆四十一年經知縣李暉遷建城內正

街道光七年署縣李盤重修計

大殿三楹中奉

關帝像左一間奉 車騎將軍張桓侯像右一間為朝

房前為樂樓兩廊亦為樓房 後殿三間兩廂各

一間中奉

關帝三代 曾祖

光昭公 祖

裕昌公 父

成忠公 於雍正三年

新甯縣志

卷二

祠廟

七

勅封均製牌位紅飾金書清漢合璧同時

詔加尊帝號為忠義神武關聖大帝乾隆十年

加號靈佑嘉慶十九年

加號仁勇道光七年

加號威顯咸豐二年三年六年七年奉

旨加封護國保民精誠綏靖

咸豐五年奉

上諭以

關帝神威顯佑特加

封號並升入中祀茲據太常寺查明

關帝先代封爵並應否援照

文廟

崇聖祠例加封請旨定奪敬謹加封以示尊崇

關帝

曾祖光昭公著加封爲光昭王

祖裕昌公著加封爲裕昌王

父成忠公著加封爲成忠王

咸豐七年奉

祠廟

新甯縣志

卷二

三

音

關聖大帝神牌改寫

關聖帝君清漢字式

欽頒

御書萬世人極匾額

文昌廟舊址在西門內今武廟即舊址乾隆四十一

年經知縣李暉遷建於城東文廟左南向道光八

年知縣吳協募衆改修北向拓文廟故基悉加恢

廓併考棚於中較童子試計

大殿三楹殿前爲廳事東西爲號舍中爲二門三
間前爲大門五間再前爲照牆又後殿三間左右
廂各一間敬遵嘉慶六年

諭旨照部議於正殿神像前增設牌位書

文昌帝君神位後殿照部議三代姓名查無確據增製
牌位一分書

文昌帝君先代神位書飾均如關帝廟式其改修經費
及董事姓名詳梁山進士刁思卓碑記載入藝文
至新舊捐施田畝俱泐貞珉不備載

新甯縣志

卷二

祠廟

三

咸豐七年奉

文昌帝君神牌改寫清漢字式

奎星閣舊在南門內以方位不宜易遭回祿嘉慶八
年市人僉議移建毀其閣迎奎星神像暫祀文昌
宮正殿之側另修閣於西門外蕉溪岸傍功將竣
因事遂輟道光三年新建城外東北隅距城里許
城隍廟原在西門內正街舊有祠宇其創始不可考
雍正二年募衆補修乾隆中歷經知縣李暉趙華

先後完葺至嘉慶九年知縣于苾倡捐重修閱四載落成一增美備規模爲闔邑祀廟冠其新舊捐施香火田產有碑記不備載

火神廟在西門外小西

炎帝宮乾隆四十一

年知縣李暉建嗣經趙華于苾重修同治元年燬於賊尚待籌款修葺

龍神祠一在治西北黑天池乾隆十一年知縣靳光祚捐廉建道光四年重修歲旱雩禱在於斯詳見知縣吳協碑記一在東嶽廟旁嘉慶二十三年募

新甯縣志

卷二

祠廟

十四

建春秋享祀在此

衙神祠在縣署左乾隆四十四年知縣李暉建歷經知縣趙華方焯于苾先後補葺道光十三年知縣黃位斗重修計正殿三間前爲聽事兩廊爲樓房中爲樂樓悉臻完善一切改觀殿後爲賓館同治元年正月被賊焚燬經前縣杜倡捐重修八年四月工竣其規模較前完整祠後賓館因無力興修基址尚存以俟續建

社稷壇在西關外明知縣胡明書建後廢

國朝雍正十二年知縣竇容遂重建地基長十七丈寬十二丈五尺計三畝五分四釐壇高二尺一寸橫直各二丈五尺週十丈間砌磚石繚以周垣神祇壇舊基在東關外久廢雍正十二年知縣竇容遂新建壇基丈尺如社稷壇制

先農壇在東關外雍正九年知縣沈子明承建壇高二尺一寸寬長各二丈五尺皆甃石壇北建正房三間東西廂房各一間門樓一座周繚以牆牆內藉田共四畝八分

新甯縣志

卷二

祠廟

五

厲壇舊基無考雍正十二年知縣竇容遂建於北關外基地東西寬五丈南北長三丈泐石以記
以上各壇隨時補葺至今皆仍舊制

國公祠在城內東街同治八年奉

旨建祀同治元年張逆擾亂殉難官紳並附祀家丁三名

知縣國 澍

典史耿鳳翔

把總何玉春

監生國 富

家丁劉楨

鄧興

石玉

附本城內及附郭祠廟不在祀典者列於左

蕭公廟在城內東門明知縣李剛建今謂之水神廟

護國祠在城內東街楚籍黃州人公建

萬壽宮在護國祠右江西原籍人公建

天后宮在文昌廟右閩籍人會館道光十三年知

縣黃位斗倡建

禹王宮在西門內正街楚籍常德人公建

帝主宮在西門內正街楚籍黃州人公建

太和宮在西門內正街楚籍澧州人公建

新甯縣志

卷二

祠廟

十六

壽佛宮與太和宮對向楚籍衡州人公建

忠義宮在城內近西門楚籍荊州人公建

東嶽廟在西門外較場垠其創始無考舊志但云

乾隆九年僧會司如祥募貲補葺至嘉慶十九

年署縣李玉麟捐廉百兩議補修遂轉向另建

經三載落成費數千金募之邑眾

真武宮在東門外距城二里許明天順中知縣張

奎建半廢雖經補葺多非舊制

按邑多楚人各別其郡私其神以祠廟分籍貫

故建置相望今以在城內者列之鄉鎮所建不
悉載然名目總不外此惟關廟文昌宮則公祀
之亦各鎮皆有其楚籍永州人祠祀濂溪周子
城內無長沙人祠祀禹王僅見於鄉鎮從宜從
俗相襲已夙蜀州縣亦大抵皆然也

寺觀志

釋迦闡教空寂無爲老氏立言清虛寡慾本無心於世事詎異人必信從乃自青牛東來白馬西至漢魏以後像教寢興洎南北朝而其風愈熾丹雘之室何止億千中間經廢滅屢矣抑或併釋於道改老爲佛間有異同究崇尚之各殊總空虛而無實然則非二教之惑人人自惑之也邑多叢山岡巒聳翠覽奇之士蠟屐必經綴梵宇於巉巖結琳宮於幽谷住持固云得所遊眺亦足騁懷且欣當昇平無事之秋相與崇奉神道培修棟宇上以祝國家萬年之慶下以迎閭里四時之庥亦潤色太平之盛事也志寺觀

新甯縣志

卷二

寺觀

按寺觀名所由始自漢明帝時西域僧迦葉摩鵬竺法蘭以白馬馱經至雒陽處之鴻臚寺故後世僧所居皆曰寺元帝被疾求方士漢中送道士王仲都處之昆明觀故後世道士所居皆曰觀邑寺觀頗多住持皆緇流並無黃冠其爲人所禱者謂之火居道男女居室無異四民猶不失爲技術也

廣福寺城西三里屏山之巔山一名天牛覆甕故俗呼牛山寺係唐時建中間廢興詳大理寺評事趙鏊碑記載入藝文寺中古蹟半殘缺不完惟殿後石鼎高八九尺鐫龍鳳人物甚精妙露置不知幾百年風雨日蝕無壞亦景之奇者

關帝廟城西五里普安場內建

觀音閣左側設社學一堂

文昌宮內設社學一堂右側建

蒼聖閣與觀音閣對峙轟出雲漢足壯觀瞻邑增

新甯縣志

卷二

寺觀

二

生沈蘭臺題詩有山環豹霧層巒聳瓦疊魚鱗萬戶低之句其巍哉可概見也

禹王宮

萬壽宮內設社學一堂

帝主宮

濂溪祠

葛仙宮

桓侯宮新建以上屬普安場

閭馬寺城西七里亦係僧定能重葺相傳舊爲閭

馬二姓香火故名

斗門寺城西十五里建自前明洪武間歷經補葺殿宇猶整肅鐘虞註年代皆嘉靖時製

元音寺城西十五里係前明創建道光十二年里人建樓於寺前祀玉皇制度亦足壯觀

玉皇觀城西十五里雍正年間僧清齡創修其地勢險塞詳見闕隘道光二年署縣謝玉珩建奎閣於前題楹聯云雞犬桑麻開世界雲霞烟水護文星顏其額曰烟岫雲壑皆鐫之石斯亦善狀景物

新甯縣志

卷二

寺觀

三

能得其真概者

金山寺城西二十里爲邑中禪院第一其創始不可考乾隆間僧德岸自達州西聖寺卓錫於此募資重修益整潔其徒普濟募鐫經板造藏經樓經十年而後成

覺華寺城西三十里殿宇莊嚴視金山寺稍遜僧慶禪重葺亦德岸徒衆宗派也

迴龍寺城西三十五里亦古刹也乾隆間僧續道開拓增修道光二年僧徒覺泰重修

白鶴寺城西四十里前明古刹以地形似鶴名寺嘉慶五年僧會參次第改建歷數十寒暑始訖工相機點綴遂爲禪林大觀又治東十五里有寺與同名康熙年間創修其規模遠不及也

盤古廟邑西四十五里建於山脚創自國初川主廟建自道光二十三年先名廟子嶺

文昌宮建於前明

奎星閣建自道光己亥年上接文昌宮下臨鯉魚潭層巒聳翠飛閣流丹前邑侯陳公諱廷揚撰有

新甯縣志

卷二

寺觀

四

碑序

武聖宮同治四年新建

三清廟前明古刹今規模更新

紅啟寺基址宏敞毀於明季兵燹其鐘磬移歸三元宮以上屬長田垵

三元宮去城西白鶴寺里許嘉慶初僧覺曉補修觀音寺城西六十里大山巔山以寺名達東新三縣分轄蓋駐兵總隘也其山腰有寺曰大鵬居民所報在是又城北五里有寺同名俗呼觀音寨

雙牛寺城北十里寺因山名詳見山川志

聚寶寺城北二十里左家巖詳見大理寺趙敖碑
記

八 廟城北二十五里村人譚福馨捐修工竣遂
自披剃此康熙末年事今住持皆緇黨

太山寺城北三十五里其創始不知何時有古鐘
聲甚洪註字云萬歷三年合州富玉里鑄僉稱乾
隆中自彼飛來鐘字朗據傳說未可盡信也嘉慶
三年毀於賊今已重修

新甯縣志

卷二

寺觀

五

天師觀城北四十里康熙時朱姓捐施規地建祠
其外爲場市仍觀名

方居寺城北四十里古名大興寺嘉慶八年燬於
回祿僧徒能懷募修復故

天成觀城北五十里今廢只自生石室猶存
二郎廟城北五十里俗呼其地爲石土地里人云
雍正間河水湧出石像卽世俗所奉二郎並鐺磬
一枚註崇禎年號因立廟祀之

圓峯寺城北五十里圓峯山下古名定鐘寺久廢

因建於麓卽本山名

文武宮城北五十餘里太和塲內廟後建玉皇樓閣下立社學一堂

朝天菴在城北道里與天成觀同明時小蘭若鐘磬俱前明年號

樊侯廟城西北峩城山頂詳見山川志

紅巖寺城西北十二里舊近河移建山腰里人祈禱胥於是在

中定寺城東北六十里俗呼茅坪寺頗開濶近多

新甯縣志

卷二

寺觀

六

傾圮乾隆中僧定能創建龍王殿梁邑孝廉才思卓撰記採入藝文

以上一甲寺觀

觀音寺城東三十里明正德十四年建康熙四十六年重修前帶南江後枕翠巘左右修竹蕭森洵淨土奧區也

慈雲寺城東三十里

鎮龍寺城東三十里

雲臺寺城東三十里建於沙灣其前則鳳鳴山也

翠嶂羅列林木陰翳後面孤峯特立狀若壇然
人多於此祈雨頗有靈應遂呼爲天生壇云

廣福寺城東三十里雍正十三年建

永興宮城東三十五里

復興寺城東四十里雍正十三年建嘉慶二十年
重修一名玉皇觀

高寺城東四十里雞足山之巔其殘碑云唐時
創建自宋以下恒增修之殿宇幽邃喬木陰森誠
古刹也寺右有古井水味甚甘冬溫而夏涼亦沙

彌之清福嘉慶初鄉人避亂紮寨於山腹因險峻
故名天成得保全者甚衆

光照寺城東四十五里明正德七年建

杏牛寺在城東道里與光照寺同山形蟠屈如牛
遙望之角耳悉具亦勝境也

中峯寺卽在雞足山麓俗呼低寺

梓潼宮城東七十里明洪武年間建神像莊嚴

石龍寺城東七十里對面一山名石牛嶺形象宛

肖

觀音堂城東七十五里爲開邑通衢兩山排闥中
有大士廟左右皆危巖峭壁嘉慶年間徐逆犯境
團勇禦賊倚爲保障

清淨菴城南三十里

靈巖寺在城南白巖山畔峭壁峻嶒有石凸出渾
如蓋倚其下鐫觀音石像於壁乾隆五十六年前
陞任縣令臧榮青創建大書靈巖二字刻諸石壁
有自撰碑記載入藝文嘉慶十八年署縣李玉麟
重修

新甯縣志

卷二

寺觀

八

清泉寺城南五十里清泉寨下懸巖絕壁俯瞰長
江山半有天生佛像自成莊嚴不假雕琢鄉人祈
禱立應因倚壁構危樓計五層飛閣流丹高與山
齊其下塑觀音像有泉自石中滴瀝而出甘冽澄
清人多乞以療疾寺中貯之供香積焉每撞鐘伐
鼓十里外猶聞其聲寺僧亦清靜修潔故禪院肅
穆較勝於各荒菴云

祇樹寺城南五十五里

廻龍寺城南七十里

佛現寺城南七十里明洪武中建每子午時輒有祥烟繚繞故名

觀音閣城南七十里傍巖造樓閣高出石峰上有孤松挺拔有人題咏云幾陣清風掃院宇一輪明月照孤松之句

藥王廟城南七十里廟貌魏峩邑人駱遵道楊來亭倡建

般若菴城南七十五里一名楊家菴

八正府城東南六十里明萬厯中補修崇禎九年

新甯縣志

卷二

寺觀

九

復修其名義未詳俗呼八廟卽此寺後有古柏一株堅根蟠地直幹摩天望之如鳳尾形極蒼古似數百年物

文翁祠城東南七十里道光八年萬縣歲貢生魏士良捐建置田給費並市田產與此依附蓋別業也

以上二甲寺觀

高峯寺城南六十里永安寨前山形似鳳峯高連雲殿閣數重頗壯麗雍正時建俗呼高廟子

迴龍寺在城南高洞之上叢林掩映溪水滌洄地極幽僻建自炎宋時碑記著作甚多惜多模糊難辨

吉隆菴城南六十五里中山坪之首

伏龍寺城南六十五里

觀音溪城南七十五里座倚巉巖門環溪水其巖下有井甚甘冽患病者矢虔心倩人代祝取水飲之疾輒愈逢朔望則祈拜益夥

文昌宮城南七十五里任市舖前建奎閣

新甯縣志

卷二

寺觀

十

武聖廟後建禹王宮

濂溪祠後建奎閣並神農宮

萬壽宮

東嶽廟

王爺廟

興福廟治南七十里遠年古刹祈禱甚靈前縣寶公容遂手書西蜀保障四字勒匾至今猶存報恩寺城南八十里乾隆三十五年鄉人陳道一素奉佛捐資置地爲小兒率遂自披剃居之今佛

殿禪房猶完整繞屋植桂樹濃陰翳日秋月花開
香風撲鼻亦禪關韻事也

石佛宮城南八十里石壁臨江倚巖構寺地狹而
險惟佛能鎮之離座數十武曲徑通幽則見茂林
修竹禪堂僧舍層列整肅豁然雅觀

白雲寺城南八十五里黃茅坪地甚幽靜終日相
對惟有白雲遙望令人悠然遐想有高世之意
金龜寺亦在城南道里與觀音寺符合今寺廢田
存歸入禮都書院作膏火案存署

新甯縣志

卷二

寺觀

十一

文武宮城南九十里屬廣福場

天后宮

萬壽宮

禹王宮

濂溪祠

桓侯宮

三臺寺城南九十里其山三峯鼎峙中峯建廟碑
記有大明天啓四字

白塔寺城東南七十五里中山坪之尾

蓮成菴城東南七十五里

元天觀城東南七十五里明萬歷時建深林密箐遠絕塵囂真靜境也

立石寺城東南八十里一石矗立高數十丈石上生成佛像稍用人力鐫爲觀音有靈應里人遂鳩工庀材作祠宇覆之

金雞寺城東南八十五里踞懸巖之巔住持皆女尼顏殿額曰慧目婆心係前知縣臧榮青所手題也

新甯縣志

卷二

寺觀

十一

新廟子城東南八十里與立石寺對峙明萬歷時建故老云廟中石獅子甚神異時出捕雀鄉人屢見之此與李廣射中之虎初平叱起之羊皆堪例視也嘉慶二年遭兵燹遂毀居民蔣長訓等重修觀音寺城東南八十五里澧都書院前其後爲鳳凰寺

雙河觀城西南七十里聯珠峽上流兩水環抱林木蓊蔚間以修篁乍入其中塵襟頓釋恍然別有天地今更名曰西來寺

以上屬三甲寺觀

新甯縣志

卷二

寺觀

十三

古蹟志

古今名勝之蹟類皆藉人以傳子雲洗墨之池坡老披風之榭昭然耳目歷千百年矣惟其人為不朽故其蹟未就湮邑雖僻壤無名流巨公以增光史冊而顯宦偉儒里居遺蹟固代有典型如趙評事之萬柳書齋來瞿塘之白巖題壁以及軼事傳聞亦時見於他說有不與萬物共盡者非采輯之所宜留心耶士君子讀書懷古往往希心先哲不禁感慨繫之生桑梓之地綜覽前徽其景仰更何

新甯縣志

卷二

古蹟

如也志古蹟

新甯故城在縣東三十里

舊唐志武德二年分通川置新甯縣治新甯城

貞觀八年移治淙城寰宇記縣在通州東一百七十五里西魏廢帝二年於此置開州後周天和四年移開州於濁水北唐貞觀八年自今縣西北移魏所置新甯縣於廢開州城俗謂之賓城即今理也故城在縣西北十里後魏恭帝二年立按宋會要至道二年移新甯治新安市王存九域志在府東一百十里蓋宋時又移今治舊志今縣東三十里有舊縣垣兩石獅猶存見通志

按縣東三十五里有舊縣垣為新甯故城其遺址

與漿池垣接壤父老歷傳蹟猶可考惟寰宇記謂

今縣西北十里有故城為後魏所置則茫無足據

西北地皆平原陵谷尚有變遷而况屬平行乎獨其地勢開朗衆山環羅兩水合抱形勝視今治差強建治固宜然未敢臆斷也

東關故郡在縣西北十里

統志本漢宣漢屬巴郡後魏改爲

石城梁於縣置萬州及東關郡隋開皇三年罷又寰宇記東關故郡城在縣西北五十里又云梁置東關郡於開州領龍蛇新甯二縣周建德五年始割屬萬州見通志及呈舊志稿

按東關故郡謂在縣西北十里據今考之縣當是今治其郡治則後魏置縣地也蓋以郡監縣郡縣可同治一城今與古無異也若寰宇記又稱在縣

新甯縣志

卷二

古蹟

二

西北五十里以今縣東三十五里之舊縣垣計之益以十里至西北爲數亦不甚差不則距今城西北五十里半屬叢山疊嶺豈宜置郡治耶姑誌管見以俟參核

文山古塔在縣南十里與超影山聯屬舊塔之興廢不審何時至嘉慶二十二年重建其山巔石基斷塊猶有存者

超影學宮在縣南十二里超影山上舊志載學宮故基在此疑唐宋時事然不可考矣

萬柳書齋在縣西邑人大理寺趙鏊罷歸時建吟
誦其間以自娛今廢

果老仙跡在縣西十里紅花山山脊一石矗立上
有巨跡如人足狀水注跡中四時不涸相傳為果
老遺蹟病疥者祈禱頗應逢朔望則香火相屬於
道雖傳說近誕而于寶搜神虞初記異似亦未可
厚非也用姑存之

樊噲碑在治西十二里曾氏宗聖祠側上刊漢舞
陽侯樊噲駐兵峩城山十一字字大尺餘乾隆元

新甯縣志

卷二

古蹟

三

年邑令寶容谷遂立

李靖堙在縣西十五里元統志唐武德時蠻酋冉
擊於此擒斬之後人因名其地以誌功寶容遂勒
石表諸道左

白巖留題明來知德過白巖道中題七律二首於
石壁年久漫滅今鐫之靈巖寺碑石上先正楷模

雖吉光片羽良可寶也

詩附十年杯酒龍宮日三
月瑩封馬鬣時郢曲漸忘

投去調梅花尚憶寄來詩王猷未見山陰面蔣翊
甯忘竹徑思已許瞿唐今夜月百壺同醉刺桐枝
此寄楊雙泉又水落江寒曉日遲蒹葭楊柳各離
披誰從野店來沽酒我欲長安去賣詩遠水抱村
連若斷危橋欹石險還夷翠微何處一聲笛驚起
烏鴉過別枝

槐竹堂在縣署後明知縣胡明書建今廢竇容邃詩云槐竹人何在山堂已古墟繁霜凌勁節不讓

樹扶疏

畫舫石在縣東南六十里去石和寨數百步形同鷓首又一石圓形宛如皮排故俗有石船載石鼓之謠

五塊石在縣東南九十里其石四方如席上有小石五塊人呼爲仙人奕棋

印盒石在縣南八廟場後

新甯縣志

卷二

古蹟

四

觀音石在縣南八十里琉璃溝山半一石森立方廣數丈若大士像故名

蟠龍仙石在縣南廣福寨中一石獨立高二丈餘頂方平似榻相傳前明永樂時有道人來臥其上不語不食歷數年無他異一日風雷交作倏忽遂失所在咸以爲飛昇仙去云今石上猶存遺跡野鹿啣花石在縣北四十五里巖畔有石似鹿形且如啣花狀人多奇之

文昌石在縣北六十五里有巖高千尋巖上一石

方廣數丈又一石約丈餘挺生方石上若鼎之在
几然上鐫文昌二字大可八九尺里人歲時祀之
但鮮能道其由來者

朝天石俗名嘯天龍在縣北八十里約長十丈橫
卧龍王塘岸側頭仰上故以朝天名

瑩墓附

狀元墓在縣南七十五里碑字皆漫滅時代姓名
概不可考惟狀元墓三大字無損按歷代科名錄
載大魁鄉貫甚晰此固非邑人疑必流寓或卒於

官未可定耳

將軍墓在縣南六十里尖子山下墓石多傾圮碑
字剝蝕惟太子太保四字尚可辨認乾隆中邑士
人吳廷梓重加封植詳襍記志

將軍墓在縣東七十五里田家溝側時代無稽碑
字剝蝕不可辨惟遺石柱二石坊一坊註文揚武
烈四字相傳爲武衛將軍墓查舊志縣南六十里
亦有將軍墓碑記剝落僅餘太子太保四字兩墓
俱以將軍傳且均餘四字可識斯亦竒矣旣經採

列姑存之以俟考古者

唐刺史李公墓在縣北二十里之龍潭子因無碑蹟故名籍亦不可考云

唐玉女墓在縣北五里觀音山下俗呼玉女堆地多翠竹竇容邃勒碑墓側並有題咏其詩云觀音山麓下草色常青青孤塚留千載夜猿不忍聽又鄭王臣詩云荒堆長傍石龕門千古誰招玉女魂已化彩雲歸碧落惟留青塚向黃昏遠山猶想蛾眉色蔓草難尋鳳屣痕巫峽洛川都是夢朝雲暮

雨總休論

明烈婦黃氏墓在縣西三里得勝坡側相傳婦以青年守節母欲奪其志商之不可遂陰許字人親迎有日婦始覺引刀截鼻事得寢奉以全節終老其夫家姓氏亦不傳疑此爲明末時事甲申之變流離幾盡故未經請

旌也